



**Broj: T17 0 KTRZ 0012338 21**  
**Istočno Sarajevo, 06.12.2021.godine**

*Potvrđena dana 08.12.2021. godine*

**OKRUŽNI SUD U ISTOČNOM SARAJEVU**

**- Sudija za prethodno saslušanje -**

Na osnovu člana 43. stav 2. tačka z), člana 241. i člana 242. Zakona o krivičnom postupku Republike Srpske, p o d i ž e m

**O P T U Ź N I C U**

**PROTIV:**

**STEVE MUMOVIĆA**, rođen 1961.godine u Rečicama

**ŠTO JE:**

Za vrijeme rata u Bosni i Hercegovini, i oružanog sukoba između Armije Republike Bosne i Hercegovine (AR BiH) sa jedne i Vojske Republike Srpske (VRS) sa druge strane, u periodu od 1992. godine do 1995. godine, postupao suprotno pravilima međunarodnog humanitarnog prava, teško kršeći odredbe člana 3. stav 1. tačke a) i c) Ženevske konvencije o zaštiti civilnih lica u vrijeme rata od 12.08.1949. godine, tako što je:

1. Tačno neutvrđenog dana početkom mjeseca maja 1992.godine, u večernjim časovima, u Vlasenici, zajedno sa četiri pripadnika Stanice javne bezbjednosti Vlasenica (SJB Vlasenica), došao do pritvorske prostorije koja se nalazila u prizemlju zgrade SJB Vlasenica, u kojoj prostoriji je bilo nezakonito zatvoreno najmanje dvanaest civila bošnjačke nacionalnosti, među kojima su bili osobe X i Y., držeći u desnoj ruci policijsku gumenu palicu, pozvao osobu X. da izađe, koji je u strahu za svoj život i tijelo počeo da plače i moli da ga ne diraju, nakon čega ga je zajedno sa još jednim pripadnikom policije izvukao iz pritvorske prostorije i počeo tući, dok je istovremeno neko od pripadnika policije zatvorio vrata pritvorske prostorije, iz koje prostorije, su zatvoreni civili slušali krike i jauke osobe X., kojeg su zatim odveli na sprat zgrade SJB

Vlasenica, gdje su ga nastavili udarati i odakle se i dalje čuo plač i jauci osobe X., što je sve trajalo oko jedan sat, od kojih udaraca je osoba X zadobila povrede u predjelu glave i ruku, te nije mogao hodati, nanijevši mu na taj način snažne tjelesne i duševne patnje i bol, nakon čega je zajedno sa još dvojicom pripadnika policije vratio osobu X. u pritvorsku prostoriju govoreći : „ *Eto vam ga, jeb.. ga sad*“, da bi se potom obratio osobi Y sa riječima : „ *Nasrudine, šta je sa tobom, ustaj, ajde ovamo*“, pa kad je osoba Y ustala i krenula da izađe iz prostorije udario ga je palicom po ruci, da bi ga zatim zajedno sa četvoricom pripadnika policije počeo tući po glavi i tijelu na hodniku SJB Vlasenica, od kojih udaraca je izgubio svijest, pa kad je došao svijesti odveli ga na sprat SJB Vlasenica, u prostoriju u kojoj se nalazila policijska oprema, gdje su ga nastavili tući raznim predmetima, od kojih udaraca nije mogao ustati, ispitujući ga istovremeno kome pripada i da li ima naoružanje, što je sve trajalo oko sat i po vremena, a zatim ga odveli u susjednu prostoriju SJB Vlasenica, gdje mu je jedan pripadnik policije prišao i prislonio pištolj na prsa, govoreći mu : „ *Hoćeš li pričati ili ne*“, nastavljajući ga udarati, nanoseći mu na taj način snažnu tjelesnu i duševnu bol, nakon čega su ga vratili u pritvorsku prostoriju SJB Vlasenica.

2. Dana 02.05.1992.godine, oko 15,30 sati, u Vlasenici, zajedno sa jednim pripadnikom policije SJB Vlasenica, odjeveni u uniforme rezervne policije i naoružani puškama i pištoljima, došao do kuće osobe X u Vlasenici, kojem su naredili da krene sa njim u SJB Vlasenica kako bi dao izjavu, a zatim ga odveli policijskim vozilom marke „ Golf“ u SJB Vlasenica, gdje su ga uveli u salu koja se nalazila na spratu zgrade, u kojoj se nalazio još jedan uniformisani rezervni policajac, da bi ga zatim počeli ispitivati o naoružanju i stražama, pa kada je osoba X izjavila da nema oružje, počeli ga tući gumenim palicama, kundacima od automatskih pušaka i rukama, a Stevo Mumović mu je pokazivao natekle šake, govoreći mu :“ *Vidi šta ste mi vi balijaći napravili*“, a bi potom u salu ušla još dvojica pripadnika rezervnog sastava policije sa maskama na glavama, koji su se pridružili premlaćivanju osobu X kojeg su oborili na pod, a zatim počeli gaziti vojničkim čizmama koje su imali na nogama, što je trajalo oko sat vremena, kojom prilikom mu je Stevo Mumović udarcem nogom nanio povredu iznad gornje usne, gdje i danas ima ožiljak, pa kad su završili sa premlaćivanjem Stevo Mumović je zajedno sa još jednim pripadnikom policije odveo osobu X u prizemlje SJB Vlasenica, gdje su ga nezakonito zatvorili u pritvorsku prostoriju, na način da su ga gurali nogama u tu prostoriju kako bi zatvorili vrata, jer je prostorija već bila puna pritvorenih muškaraca bošnjačke nacionalnosti, nanoseći mu na taj način snažnu tjelesnu i duševnu bol i patnju.

**Dakle**, za vrijeme rata u Bosni i Hercegovini i oružanog sukoba između Armije Republike Bosne i Hercegovine i Vojske Republike Srpske, teško kršio odredbe međunarodnog humanitarnog prava i to tako što je protivzakonito zatvarao, mučio i nečovječno postupao prema civilnim osobama,

**Čime je**, počinio krivično djelo **Ratni zločin protiv civilnog stanovništva iz člana 142. Krivičnog zakona SFRJ.**

## OKRUŽNI JAVNI TUŽILAC

### **Napomena:**

„Potvrđivanje optužnice protiv određene osobe ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica“